

Palma, lo 25 de març de 2024

NÒTAS DE PREMSA

ECONOMIAS E REUTILISATION DE L'AIGA DINS LO TORISME : SUCCES DE LAS ACCIONS DEL PROJÈTE WAT'SAVEREUSE

La conferéncia finala de [LIFE WAT'SAVEREUSE](#) a amassat a Palma (Iles Balearas) nauts representants politics, actors del sector del torisme e partenaris del projècte europèu per un torn d'horizont de las avançadas e recomandacions sus la circularité e durabilitat de l'utilizacion de l'aiga.

Dins lo territòri de l'Euroregion, las politics publicas de l'aiga promòvon las bonas practicas mesas endavant per d'avantatge de sensibilizacion del public e dels actors economics e institucionals.

Se jonhent a las iniciativas organizadas per la Jornada mondiala de l'Aiga, lo 21 de març de 2024 a agut luòc a Palma (Iles Balearas) la [conferéncia finala del projècte WAT'SAVEREUSE](#). Dècisionnaires locals, regionals e actors economics del **sector del torisme** sul territòri de l'Euroregion Pirenèus-Mediterranèa an fach lo bilanç de las avançadas e aplicacions realas de la legislacion pertocant la **gestion de l'aiga**, dempuèi la **diminucion de la consumacion** dins las installacions aculhissent los toristas, a sa **reutilizacion**, sustot per l'asagatge.

Gràcias a aquel projècte, co-finançat pel programa Life de l'Union Europèa e dont l'[Euroregion](#) es cap de fila, son mai de **14 milions de toristas** que son estats **sensibilizats** a aquela problematica, aital coma mai de **40 institucions publicas** e **3 000 actors del sector privat** sus l'espaci euroregional, cobrissent Catalonha, Occitània e las Illas Balearas.

"Tot es ja inventat, ara, cal aplicar !"

Los [intervenents](#) son estats plan clars sus aquel ponch. Aquí perquè los rapòrts de **recomandacions** e **bonas practicas** elaborats pels partenaris de WAT'SAVEREUSE e los **referencials tecnologics** seràn difusats dins l'UE, per contunhar a desvolopar aquelas practicas, al delà del territòri euroregional. De guidas d'aplicacion tecnica tangiblas que permeton als actors del sector de profèchar de l'experiéncia aquesida, e que seràn disponiblas sul [sit del projècte](#).

Los escambis e visita de terren an fach ressortir l'importància capitala de l'implicacion de las administracions publicas localas e regionalas per anar mai luènh, coma las campanhas de sensibilizacion del public grand a un usatge rasonat de l'aiga lançadas per las autoritats, o encara la proposicion d'utilizar l'aiga de mar meteissa per las dochas dels pès sus las plajas.

Totes aqueles resultats seràn utilizats per noïrir d'autres projèctes pels quals la gestion de las ressorsas en aiga es cruciala, dins l'agroalimentari o encara dins lo sector textil.



Per mai d'informacions :

Maina Gautier

Responsable de comunicacion

Euroregion Pirenèus-Mediterranèa

Le Centre du Monde | 35, Boulevard Saint Assisclè | CS 7004 | 66011 Perpignan Cedex | France

Tel. +33 (0)7 89 61 48 25

maina.gautier@euroregion-epm.eu

www.euroregion.eu | <https://lifewatsavereuse.eu>

[Facebook.com/euroregion](https://www.facebook.com/euroregion) | [Twitter: @Euroregion](https://twitter.com/Euroregion)

[Twitter @watsavereuse](https://twitter.com/watsavereuse) | [LinkedIn watsavereuse](https://www.linkedin.com/company/watsavereuse/) | [Facebook.com/lifewatsavereuse](https://www.facebook.com/lifewatsavereuse)

